

## ***BIBLIOTEČKA DJELATNOST FAKULTETA***

***Bibliotekar: Elvera Baralić***

***Telefon: 033 653-033***

***mail: [biblioteka@ppf.unsa.ba](mailto:biblioteka@ppf.unsa.ba)***

***Radno vrijeme biblioteke: 9,00 – 15,00 sati***

Biblioteka Poljoprivredno-prehrambenog fakulteta po svojoj namjeni spada u red visokoškolskih biblioteka Univerziteta u Sarajevu. U sastavu je Fakulteta i snabdjevena je potrebnom naučnom i stručnom literaturom za izvođenje nastave. Biblioteka Fakulteta posjeduje informacione resurse i servise koje koristi radi ispunjenja svojih osnovnih ciljeva i zadataka.

Nastala ubrzo poslije osnivanja Fakulteta biblioteka se sa njegovim razvojem proširivala i obogaćivala sa knjižnim fondom s ciljem da pomaže nastavni, naučno-istraživački i stručni rad. Godine 1991. biblioteka tadašnjeg Poljoprivrednog fakulteta bila je jedna od većih visokoškolskih biblioteka sa knjižnim fondom od oko 150 000 bibliotečkih jedinica, bogatom zbirkom diplomskih, magistarskih i doktorskih radova, kao i naučnoistraživačkih elaborata, studija i seminarskih radova iz oblasti poljoprivrede i prehrambenih tehnologija. Putem međubibliotečke razmjene biblioteka Fakulteta je redovno, svake godine dobijala 260 naslova periodike, kako domaće tako i iz cijelog svijeta. U biblioteci su u to vrijeme radila tri radnika.

Ratnim stradanjem zgrade Fakulteta 1992. godine nestao je i bogati knjižni fond biblioteke zajedno sa njenom arhivom i radnom dokumentacijom. Biblioteka ponovo počinje sa radom prelaskom Fakulteta u zgradu u Kampusu Univerziteta u Sarajevu 1996. godine. Mukotrpno obnavljajući svoj fond biblioteka Fakulteta danas raspolaže sa 7 400 bibliotečkih jedinica, uglavnom vezanih za oblasti koje se prezentiraju i proučavaju u nastavnom procesu. Uprkos teškoćama biblioteka je osigurala pokrivenost bezmalo svih predmeta koji se izučavaju na Fakultetu kvalitetnom udžbeničkom i pomoćnom literaturom. Važan dio aktuelnog bibliotečkog fonda predstavljaju na Fakultetu urađeni i odbranjeni diplomski, magistarski i doktorski radovi.

O svim doktorskim disertacijama i magistarskim radovima odbranim na Fakultetu od 1992. godine vodi se posebna bibliografija. U saradnji sa upravom Fakulteta, biblioteka razmjenom ili pretplatom obezbjeđuje redovno pristizanje 54 naučno-stručna časopisa iz zemlje i inostranstva. Pored toga, nastavnicima i studentima na raspolaganju je veliki broj priručnika, enciklopedija, zbornika radova i rječnika. Biblioteka je aktivno uključena u sve aktivnosti vezane za izdavačku djelatnost Fakulteta.

Prirodno je da su najmnogobrojniji korisnici biblioteke Fakulteta studenti, te fakultetski nastavnici i saradnici u nastavi. Biblioteka je, pored toga, na raspolaganju i svim drugim zainteresovanim korisnicima iz privrede, obrazovnih i naučno-istraživačkih institucija. Nastojeći svojim korisnicima osigurati pristup što većem broju naslova, biblioteka Fakulteta je uspostavila i razvija međubibliotečku saradnju sa drugim bibliotekama u zemlji, a preko Nacionalne i univerzitetske biblioteke BiH i sa bibliotekama u inostranstvu.

Biblioteka ima obezbijeđen pristup EBSCO HOST i EMERALD bazama podataka naučnoistraživačkih i stručnih radova.

Od formiranja biblioteke Fakulteta u njoj su kao bibliotekarke i knjižničarke radile gospođe:

- Milana Mitrović,
- Ljiljana Nevrt
- Mirjana Mihić,
- Mirjana Tomčić,
- Ljubinka Bašović,
- Željka Rodić i
- Mirjana Blažević-Lešić.

U biblioteci danas kao bibliotekarka radi Elvera Baralić, dipl. ing. koja poslove jedinog bibliotekara obavlja od 1997. godine. Biblioteka Fakulteta trenutno je smještena u jednoj prostoriji površine oko 80 m<sup>2</sup>. U sastavu biblioteke je i čitaonica sa 10 čitaoničkih mjesta. Poseban dio prostora biblioteke odvojen je za smještaj 12 računara sa stalnim i slobodnim pristupom internetu.

Prioriteti razvoja biblioteke Fakulteta skorom narednom periodu su njeno prerastanje u centralnu bazu za prikupljanje i distribuiranje naučno-stručnih informacija iz oblasti poljoprivrede i prehrambenih tehnologija na tlu Bosne i Hercegovine te njeno uključivanje u mrežu regionalno relevantnih specijaliziranih bibliotečkih centara.  
*(Elvera Baralić, dipl. ing. i Doc. dr Milenko Blesić)*

## **PRAVILA KORIŠTENJA BIBLIOTEKE i ČITAONE**

- Udžbenička literatura biblioteke (obavezni primjerak) se koristi isključivo u Čitaoni
- U koliko biblioteka raspolaže sa više primjeraka udžbenika, isti se može dobiti na korištenje van biblioteke
- Knjige i udžbenici se mogu koristiti van biblioteke na revers najviše mjesec dana, zavisno od zahtjeva drugih studenata za tim udžbenikom
- Istovremeno se može koristiti najviše dvije knjige za koje korisnik odgovara
- Studenti mogu produžiti revers 15 dana, ako za istu knjigu ne postoji interes drugih korisnika
- Produžiti revers se može lično ili preko telefona
- Knjiga koja je podignuta na revers ne smije se ustupiti drugom korisniku
- Leksikoni, enciklopedije, riječnici, skupocjene i rijetke knjige, časopisi, doktorske disertacije, magistarski i diplomski radovi **se ne mogu iznositi van biblioteke**
- Pri međubibliotečkoj posudbi i fotokopiranju korisnik snositi troškove
- Fotokopiranje je dozvoljeno uz poštovanje autorskih prava
- Studenti su dužni prije upisa u narednu školsku godinu vratiti sve knjige, što bibliotekar potvrđuje pečatom u indeks
- Studenti koriste Čitaonu na osnovu indexa, a ostali korisnici ( izuzev zaposlenih na Poljoprivredno-prehrambenom fakultetu) na osnovu lične karte
- Kada napušta Čitaonu, korisnik predaje knjigu dežurnom radniku (bibliotekaru)
- Ako ne želi knjigu koristiti korisnik se razdužuje na kartonu čitaoca i povratom knjige
- Korisnik se može služiti pozajmljenom knjigom ili časopisom u Čitaonici najviše 20 dana, bibliotekar može produžiti ovaj rok
- Korisnik je dužan pažljivo postupati s građom koja mu je data na korištenje. Nije dozvoljeno grubo i nepažljivo listanje, savijanje listova, pisanje, podvlačenje itd.
- Ako se utvrdi da je korisnik oštetiо građu ili izgubio, dužan je nadoknaditi štetu nabavkom bibliografski identičnog primjerka
- U koliko publikacija nije lako dostupna ili se mora izvršiti pretraga kataloga potrebno je publikaciju poručiti dan ranije

## **PONAŠANJE KORISNIKA U ČITAONI I BIBLIOTECI**

- **Radna atmosfera čitaone ne smije se ničim narušavati**
- **Pušenje, unošenje jela i pića, kao i razgovor u čitaonici su strogo zabranjeni**
- **Studenti, korisnici mogu u Čitaonici koristiti svoju literaturu ( obavezno pokazati bibliotekaru) ukoliko ima slobodnog mjesta, a dužni su pridržavati se propisanih pravila**

### **U slučaju povrede ovih pravila student gubi pravo na korištenje Biblioteke i čitaone u toku školske godine.**

(Izvod iz „pravilnika o korištenju i čuvanju fonda biblioteke Poljoprivredno-prehrambenog fakulteta“ broj 01-6-579-2/98)